

涪陵縣續修涪州志

涪陵縣續修涪州志卷六

賦課志

陳志作賦役序云王者經理天下宰制羣動莫重乎賦役役出於丁故有戶口賦出於田故有田賦古者計口以授田因

丁以派稅故戶口之後即次以田賦凡此均名正項以起運存留分解支其耗羨田房雜課向未入志然亦皆賦役之屬他郡縣志

悉載之故彙附於後而一州之權稅盡是矣州人急公尚義歷無藉逋此亦官斯土者之一幸歟

三代盛時取民之制皆什一而民不病其苛蓋其田受諸公家奉上者一自食者九又未有無藝之誅求民固無憾於事父母畜妻子後世田爲私有不當藉口什一厚自封殖故楊炎兩稅君子有取焉清制寬大丁口滋生永不加額無徭役官府建築皆雇傭四川邊省稅歛薄以一條鞭法行之倍賦伍千叁百柒拾兩有奇鹽茶課悉併入取諸民不征諸商也嘉慶初帑項支絀始於大縣隨糧加一賦曰津貼徵解紳主之不假手吏胥咸豐中軍用益繁大臣奏請勸糧戶助餉曰捐輸援津貼

舊章每年於冬季委紳設局按糧科銀恤分厘以下許優免因窒礙溥徵之民間稱爲冬糧原奏事平與民休息布政司逐年請展涪先派叁萬兩減定貳萬肆千兩後又加攤賠欸壹萬陸千兩幾成永例然綜計三稅猶未至二十而取一也桀與貊皆非中道議經政者與其桀也毋甯貊乎

丁賦

陳志名田賦序云自禹貢則壤成賦此貢賦之所由昉也三代以降井田廢而賦役滋繁惟唐之租庸調最爲近古我朝

監古定制因田作供按丁給役又總括爲條編厥制簡易陸贄所謂規條簡而備患周者也涪陵土瘠石多歲納無幾然常正之供亦未嘗缺故不可不縷悉而條分也

涪賦無詭寄飛洒隱匿逋欠吏胥不能出入貧富不偏苑枯並不煩催科而如期畢納麟册瞭如也患在不循定制用二用三而民乃困矣古者授田定賦役以丁爲率無故不加意戶口涪近邊徼戶口初不甚

繁漢唐迄元無可稽考明本州原額壹萬肆百柒拾柒丁武隆原額捌百叁拾壹丁清花民壹萬陸千壹百陸拾玖戶康熙六年歸併武隆花民肆千伍百壹拾伍戶總計財貳萬零陸百捌拾肆戶因欲輕賦役而隱蔽上下相欺非其實也自免丁稅併入田賦乾隆五十年戶至伍萬捌千肆百叁拾陸丁至拾貳萬玖千柒百捌拾陸

見陳志

永不增賦之效

灼然可覩嘉慶十年總計戶肆萬伍千陸百壹拾陸丁拾陸萬陸千零

柒

重慶府志

戶少於前者壹萬貳千有奇丁多於前者叁萬有奇蓋不徵丁

則歲終戶曹吏隨意增減之視爲具文亦非其實也同治八年總計戶

拾捌萬陸千捌百陸拾柒丁伍拾肆萬壹千捌百玖拾捌

見王志

由於軍

興舉行團練保甲給門牌開載男女大小故得有此數戴恩之民終身不知有丁稅顧無力役之征國家卒生他故徵賦有限徭發不興小民

安坐而不與其憂事變勢窮終亦轉徙流亡以爲天災受厚施而不報而不免同罹災害則古者取其財兼役其力安危共之弊當不至於此光緒末變法予公民選舉權稽核民數總計戶拾玖萬捌千柒百貳拾有肆丁陸拾壹萬貳千伍百貳拾有貳食毛踐土孳生日蕃湛恩涵濡熙穰康樂耕鑿力作之民輸將恐後不希蠲減毫無民欠仁政之效益章章矣以涪歲賦平均起算人納銀不及一錢爲曠古所未有吾民之感激應如何者今掇明以來田賦之法俾曉然於舊制云

明原額稅糧壹萬伍千柒百肆拾柒石捌斗陸合捌勺叁抄

夏稅

涪州有夏稅無秋糧

正額 起運撥運存留三項共徵銀玖千捌百叁拾叁兩玖錢伍分有奇遇閏加徵銀伍拾兩零陸錢叁分有奇

附徵 戶口驛傳二項共徵銀貳千零陸拾肆兩貳錢柒分有奇遇閏
加徵銀拾柒兩肆錢柒分有奇

丁糧 均徭民壯公費三項共徵銀伍千壹百壹拾伍兩叁錢叁分有
奇遇閏照例加徵

雜課 鹽課魚課商稅共徵銀壹百玖拾陸兩叁錢玖分有奇遇閏加
徵銀叁兩壹錢捌分有奇

附武隆縣丁賦

明原額糧稅捌百壹拾陸石陸斗叁升叁合捌勺有奇

秋糧

武隆縣無夏
稅有秋糧

正額 起運撥運存留三項共徵銀肆百玖拾陸兩貳分有奇遇閏加
徵銀壹拾捌兩另貳分有奇

附徵 戶口驛傳兩項共徵銀拾貳兩伍錢柒分有奇遇閭加徵銀陸分有奇

丁糧 均徭民壯夫馬公費四項共徵銀壹千貳百肆拾兩另伍分有奇

雜課 鹽課商稅芽茶三項共徵銀捌拾柒兩貳錢捌分有奇遇閭加

徵銀陸分有奇

以上採陳志編入

清代賦課各地輕重不同茲將本州及武隆起課則例分別志之

涪州起課則例

每糧壹石徵條糧銀玖錢玖分有奇每糧壹石伍斗叁合捌抄有奇載丁壹丁每丁徵銀貳錢肆分有奇

每上田一畝載糧陸合貳勺人丁肆釐壹毫貳絲伍忽共徵條銀柒分

壹釐有奇

每中田一畝載糧伍合叁勺人丁叁釐伍毫貳絲陸忽共徵條銀陸分壹釐有奇

每下田一畝載糧肆合肆勺壹抄人丁貳釐玖毫有奇共徵條銀伍分玖釐有奇

上地無

每中地一畝載糧貳合壹抄有奇人丁壹釐肆毫有奇共徵條銀貳分肆釐有奇

每下地一畝載糧壹合柒勺貳抄有奇人丁壹毫壹絲有奇共徵條銀壹釐玖毫有奇

武隆起課則例

每糧壹石徵銀壹兩叁錢捌分柒釐伍毫有奇每糧玖斗捌升貳合柒勺壹抄有奇載丁壹丁每丁徵銀柒錢陸分陸釐有奇

每上田壹畝載糧柒合肆勺陸抄人丁柒釐伍絲有奇共徵條銀壹分陸釐壹毫有奇

每中田一畝載糧陸合伍勺貳抄有奇人丁陸毫陸絲有奇共徵條銀壹分肆釐壹毫有奇

每下田一畝載糧伍合伍勺玖抄有奇人丁伍毫陸絲有奇共徵條銀壹分貳釐壹毫有奇

每上地一畝載釐貳合叁勺人丁貳毫叁絲有奇共徵條銀肆釐玖毫有奇

每中地一畝載糧貳合壹抄有奇人丁貳毫有奇共徵條銀肆釐叁毫

有奇

每下地一畝載糧壹合柒勺貳抄有奇人丁壹毫柒絲有奇共徵條銀叁釐柒毫有奇

自康熙六年起至五十三年止總計新舊勸墾升科

涪州上中下田地貳千肆百肆拾玖頃玖拾畝玖分捌釐捌毫共載糧壹千陸百貳拾柒石壹斗柒升叁合柒勺陸抄捌撮人丁壹千另捌拾叁丁貳分叁釐有奇共徵條銀壹千捌百捌拾兩陸錢柒分壹釐有奇外學租上中下田地陸畝伍分肆釐捌毫徵收租穀叁石陸斗柒升陸合貳勺徵收租銀壹錢壹分貳釐壹毫

武隆上中下田地壹百貳拾頃柒拾柒畝肆分貳釐共載糧陸拾壹石柒斗玖升陸合叁抄伍撮貳圭人丁陸拾丁柒分壹釐肆毫叁絲柒忽

共徵銀壹百叁拾肆兩柒分壹釐捌毫有奇

嗣後陸續奉行清查至雍正五年以四川墾闢土田後未丈勘隱占者多又土著與流民各居其半爭訟日繁特遣科道等官會同松茂建昌川東永甯四道親往丈量所到州縣撥戶書弓手隨往丈勘六年九月中旬秋收大熟各地方俱行自丈投冊漸次清理田畝之數年有增加後歷乾隆至嘉慶中葉陸續報墾無復隱漏計涪州與武隆合併上下田地共壹萬另陸百捌拾叁頃叁拾肆畝玖分壹釐永爲定數每年額征地丁正銀伍千叁百柒拾叁兩陸錢玖分柒釐另加一五火耗銀捌百另陸兩另伍分肆釐遇閏之年加閏銀壹百陸拾柒兩壹錢玖分伍釐再加閏耗銀貳拾伍兩捌錢另壹釐總共徵收正耗連閏銀陸千叁百柒拾貳兩柒錢肆分柒釐

解運

地解丁正銀肆千肆百壹拾陸兩陸錢伍分柒釐閏年解

柴分

陸釐

留支

另知州全年養廉銀陸百兩另俸銀捌拾兩巡檢養廉銀玖拾兩

參武拾兩壹兩伍錢貳分叁拾貳兩正薪俸銀肆拾兩訓導薪俸銀肆拾兩

文貳拾兩貳兩祭祀銀叁拾貳兩正薪俸銀肆拾兩連閏壹百零肆兩民壯八名

工壹百銀玖拾捌兩捕役頭十二名工食銀壹拾貳兩兵二十名每月每名工食

銀伍名共遇工閏銀壹百另捌兩額設舖司斗給倉夫六名每月每名工食

陸兩陸拾兩目衙儒學門斗膳夫四名共陸兩巡檢衙役弓兵十名共工

佐各官養廉銀貳拾伍兩肆錢柒分捌釐遇閏共

支銀伍拾兩零伍錢叁分玖釐以上皆為正支

大水黃魚嶺灘小水橫梁馬防灘合設救生船壹隻大 wat 龍王沱灘
小水麻堆灘合設救生船壹隻大小水白研安設救生船壹隻大水龍王沱灘
水手十八名支工食銀壹百貳拾玖兩貳錢每名每月陸錢外夏秋兩
猪陸屋十二處設救生船貳隻共水手拾貳名除小水不支外夏秋兩
季共工食銀肆拾叁兩貳錢以上雜支

計共解運正項並閏耗銀肆千肆百陸拾貳兩肆錢貳分陸釐共留支

正雜銀貳千零捌拾壹兩玖錢柒分玖釐見陳志乃乾隆五十年前舊事

例也其時州同未設故不著俸廉支數向章俸支正銀養廉支耗銀皆

坐支後盡併入正欸提解再行請領名曰存留不應坐支其起運名目

紛繁由司吏州吏按籍而辦本官或終身不辨王志在六十年前運解

撥支一概不載津貼捐輸并文案散佚今已無從攷證矣

津貼陳志王均無

為蜀紓邊患郡縣夷落歲入不足辦公酌盈劑虛以資津貼亦不得已

之法也吾民諒上之不得已歷數十年無怨心焉非敦樸奚能如是

津貼之議起於嘉慶五年四川總督勒保勒保奏糧餉事宜有云川省

發滿漢官兵俸餉新疆臺費等項向有不敷近來被賊州縣屢蒙綏
僅有十分之五倍形支絀辦理軍需惟有民間津貼所謂津貼者如運

糧脚價漲沽夫馬官價不敷由民間出資津貼而川東川北悉經賊匪蹂躪已漸停止潼河被賊川西完善之區又去其半其未經被賊之處不過四十餘州縣用咸取資於津貼恐不肖州縣胥吏藉詞勒派不可論有云若一切費用咸取資於津貼恐不肖州縣胥吏藉詞勒派不可專恃此項辦賊任聽屬員需案侵漁肥己見東華續錄至咸豐二年復行借徵其法於前一年秋

季開征至次年春季全數徵完原諭俟軍務告竣即將應徵賦額停徵

一年以紓民力

咸豐二年十月上諭山西陝西四川三省咸豐四年錢糧即行借徵一年於今年冬開徵明年春季全數徵完

其咸豐五年錢糧即於明年秋季接徵按年遞推一俟軍務告竣國帑漸裕即將該三省應徵賦額停徵一年以紓民力而符舊制東華續錄

咸豐四年五月因總督裕瑞奏請仿照成案勸諭紳民按糧津貼請免

預徵特降諭旨改徵津貼每正銀一兩加徵津貼一兩由地方選派公

正紳耆設局經收俟收有成數即派員解京

咸豐四年五月諭軍機大臣前因預算軍餉部議請

令四川等省縣理借徵據裕瑞奏稱查川省民情宜仿照成案勸諭紳民按糧津貼請免借徵等語川省連年辦理防堵一切度支多係借資

津貼該督仍請援案辦理俾民不致驚擾自係實在情彭惟徵收一切責在地方着裕瑞即嚴飭地方選派公正紳耆設立公局妥為經收不

得假手書役另有絲毫苛派并飭司詳覈各屬津貼銀數奏請加廣學額以昭優獎俟收有成數即派員解京至留充本省軍餉仍須覈實配辦或於扣廉勸捐項內先儘抵撥不得將此項津貼竟留一半致誤軍餉東華續錄後遂永爲定額

捐輸

陳志王均無

民無信不立况國乎捐輸之初聲明事平卽止事平矣乃於下以再累吾民一年沿襲延宕於上則謂民樂報效夫民何樂之有又何敢不樂之有

道光以前並無捐輸之名咸豐三年三月以軍興三載需餉浩繁諭內閣大學士裕成等並戶部尙書柏葰翁心存會同戶部尙書議奏請申勸捐輸以裕軍餉凡紳士商民捐資備餉一省至十萬者准廣鄉試文武中額各一名一應州縣捐至二千兩者准廣文武試學額各一名於是津貼之外又有捐輸至光緒二十年甲午中日戰後賠款鐵路借款

以及庚子賠款於光緒二十八年攤派各省名曰新捐輸而以已前四川歷年所納捐輸爲常捐輸至是四川有新捐輸復有常捐輸而各省則只新捐輸而已吾涪派攤額數文獻已失無可徵考詢書吏初有捐輸時其數爲壹萬陸千兩後又增加捌千兩最後則共增至肆萬兩云自捐輸稟准按糧攤派紳收紳解費易集而辦法較公於是培修文廟城垣諸大工役皆援照附加徵收光緒二十四年詔修怡和園爲皇太后頤養之所庫帑支絀翰林院侍讀學士黃思永建議興辦公債名昭信股票直省派辦貳叁百萬不等川督派涪州解股金叁萬兩照向章設局委紳按糧徵收未及半言官劾川督辦理騷擾請收成命得俞旨允免布政司委員下州提已徵之銀壹萬兩給每張存銀伍千兩龍票二紙名存司庫不准抵應解正雜款即日撤局未完者幸免已完者不

發還實不足昭示大信二十六年兩宮西巡川紳倡議報效派州捐貲肆萬兩仍委紳設局按糧徵解糧戶鑒於昭信舊事觀望不即輸納年餘收不及半廻鑾奉旨免其報效布政司仍委員提徵存之歟時

紀雲

守制在籍建言昭信辦理失當致急公者偏枯今又如此以後誰肯踴躍未完者免則已完者應還諸百姓呈覆去後局士以奇零照還難免冒誤不便

紀雲

復議仍全數收存抵解正款糧戶以爲公允數月畢收

三十年春免徵津貼撥徵存銀陸千兩抵解冬季派捐輸貳萬肆千兩出示免徵撥徵存銀抵解奉文籌修模範小學堂借撥銀柒千柒百兩充費免加派焉

契稅

東志王
志均無

田房轉移蜀俗殊於直省優缺契稅百倍解額涪其一也歲入三四萬